

Broj: UP/I-05-17-693/14
Mostar, 28.11.2014.godine

Federalno ministarstvo energije, rudarstva i industrije, na osnovu člana 200. Zakona o upravnom postupku ("Službene novine F BiH", broj 2/98 i 48/99), člana 7. stav 2., 10., 16. i 19. Pravilnika o utvrđivanju uslova za obavljanje periodičnih pregleda, mjerenja i ispitivanja na elektroenergetskim postrojenjima, električnim uređajima, električnim instalacijama i izdavanju isprava ("Službene novine Federacije BiH", br: 41/11 i 7/12), rješavajući po zahtjevu privrednog društva „**INSTITUT ZA ZAŠTITU, EKOLOGIJU I OBRAZOVANJE**“ d.d. Tuzla, sa sjedištem u Ul.Bosne Srebrene br.127, Tuzla, broj:2475-1-I/14 od 27.10.2014.godine, u predmetu utvrđivanja ispunjavanja uslova potrebnih za obavljanje poslova u okviru registrovane djelatnosti, donosi

R J E Š E N J E

1. Odobrava se privrednom društvu „**INSTITUT ZA ZAŠTITU, EKOLOGIJU I OBRAZOVANJE**“ d.d. Tuzla, sa sjedištem u Ul.Bosne Srebrene br.127 Tuzla, da u okviru registrovane djelatnosti može obavljati slijedeće poslove:

- ispitivanje funkcionalnosti elektroenergetskih postrojenja, električnih uređaja i električnih instalacija,
- ispitivanje zaštite od istovremenog direktnog i indirektnog dodira dijelova pod naponom,
- ispitivanje zaštite od direktnog dodira dijelova pod naponom (izoliranje, pokrivanje, prepreke, prolazi, zaštitni uređaj diferencijalne struje),
- ispitivanje zaštite od indirektnog dodira dijelova pod naponom izvedenim u TN, IT i TT sistemima (ispitivanje otpora petlje, mjerenje struje kratkog spoja i ispitivanje zaštitnih uređaja diferencijalne struje - FI sklopke, zaštitno izoliranje, galvansko odvajanje i izjednačavanje potencijala),
- mjerenje otpora izolacije elektroenergetskih postrojenja, električnih uređaja, električnih transformatora, električnih generatora, električnih motora, električnih kablova i električnih instalacija,
- mjerenje otpora pogonskih (radnih) i zaštitnih sistema uzemljenja,
- mjerenje otpora izolirajućih podova i zidova,
- pregled gromobranskih instalacija i mjerenje otpora uzemljenja gromobranskih instalacija,
- mjerenje dielektrične čvrstoće izolacionih medija,
- mjerenje intenziteta osvjjetljenosti,
- mjerenje otpora galvanske povezanosti (neprekidnosti) na instalacijama za izjednačenje potencijala,
- pregled i ispitivanje uređaja za zavarivanje, pregled i ispitivanje prijenosnih alata uređaja sa elektromotorom (mješalice, bušilice i sl.),
- mjerenje električnih veličina napona, struje, snage, energije, frekvencije, $\cos \varphi$, magnetskih i električnih polja, kapaciteta, induktiviteta i otpora,
- mjerenje, ispitivanje i kontrola električarske izolacione opreme, električarskih čizama, rukavica, ručki za osigurače, izolacionih motki VN, indikatora VN i elektroizolacionih prostirki,
- mjerenje i ispitivanje kvaliteta električne energije,
- primarno i sekundarno ispitivanje električnih zaštita i zaštitnih releja svih vrsta i svih naponskih nivoa,
- mjerenje napona koraka i napona dodira, mjerenje napona uzemljivača i mjerenje iznesenog potencijala,
- mjerenje intenziteta lutajućih struja,
- pregled, ispitivanje i mjerenje zaštite od statičkog elektriciteta,
- pregled, ispitivanje i mjerenje uređaja za katodnu zaštitu,

- kontrola rada pokaznih i registrirajućih instrumenata i provjera redosljeda faza u elektroenergetskim postrojenjima,
 - pregled i ispitivanje zaštitnih sklopki, prekidača i rastavljača,
 - utvrđivanje termovizijskom metodom stepena zagrijavanja dijelova elektroenergetskog postrojenja i opreme, sabirnica, električnih uređaja i sl.,
2. Obavezuje se privredno društvo „INSTITUT ZA ZAŠTITU, EKOLOGIJU I OBRAZOVANJE“ d.d. Tuzla, sa sjedištem u Ul.Bosne Srebrene br.127, Tuzla na pridržavanje važećih propisa i standarda, te obavljanja odobrenih djelatnosti samo od strane stručno osposobljenih lica.
 3. Rješenje podliježe povremenoj kontroli, od strane ovog Ministarstva, vezano za pridržavanje važećih propisa i standarda, kao i ispunjavanje ostalih uslova u skladu sa navedenim propisima.
 4. Ovo rješenje stupa na snagu danom donošenja i **važi do 27.11.2018.godine.**
 5. Stupanjem na snagu ovog Rješenja prestaje da važi Rješenje ovog Ministarstva br: UP/I-05-17-316/11 od 11.04.2012.godine.

O b r a z l o ž e n j e

Postupajući po zahtjevu privrednog društva „INSTITUT ZA ZAŠTITU, EKOLOGIJU I OBRAZOVANJE“ d.d. Tuzla, sa sjedištem u Ul.Bosne Srebrene br.127, Tuzla, broj:2475-1-I/14 od 27.10.2014.godine, u postupku utvrđivanja ispunjavanja uslova za izdavanja rješenja kojim se odobrava obavljanje poslova iz registrovane djelatnosti, kako stoji u zahtjevu, Federalno ministarstvo energije, rudarstva i industrije je rješenjem broj: UP/I-05-17-693/14 od 07.11.2014.godine obrazovalo stručnu komisiju koja je, uvidom na licu mjesta kod podnosioca zahtjeva, izvršila pregled radnog prostora, sredstava rada, mjernih i ispitnih uređaja, tehničke i ostale dokumentacije, općih akata i dosijea kadrova, te izvoda iz sudskog registra, i o izvršenom pregledu sastavila zapisnik.

Tokom pregleda stručna komisija je ustanovila da „INSTITUT ZA ZAŠTITU, EKOLOGIJU I OBRAZOVANJE“ d.d. Tuzla, raspolaže radnim prostorom, sredstvima rada, mjernim i ispitnim uređajima i instrumentima, razrađenom metodologijom ispitivanja i mjerenja, kao i stručnim kadrovima potrebnim za obavljanje djelatnosti navedenih u tački 1. ovog Rješenja, odredbe Uredbe o uslovima koje je društvo, odnosno drugo pravno lice dužno da ispunjava u pogledu broja zaposlenih radnika radi obavljanja registrovane djelatnosti ("Službene novine Federacije BiH", broj 15/98) i odredbe članova 5., 6. i 7. Pravilnika o utvrđivanju ispunjavanja uslova za obavljanje periodičnih pregleda, mjerenja i ispitivanja na elektroenergetskim postrojenjima, električnim uređajima, električnim instalacijama i izdavanju isprava ("Službene novine Federacije BiH" br: 41/11 i 7/12), a što odgovara poslovima traženim u podnesenom zahtjevu i opremi kojom pravno lice raspolaže.

Na osnovu navedenog odlučeno je kao u dispozitivu.

Federalna upravna taksa na podnijeti zahtjev i izdato rješenje o ispunjavanju uslova za obavljanje navedenih poslova uredno je naplaćena po Zakonu o federalnim upravnim taksama i Tarifi federalnih upravnih taksi ("Službene novine Federacije BiH", broj 6/98, 8/00 i 45/10), i to na podnijeti zahtjev po tarifnom broju 24a u iznosu od 10,00 KM, te za Rješenje o ispunjavanju uslova u iznosu od 87,00 KM po tarifnom broju 19. tačka 3.

Pouka o pravnom lijeku:

Ovo rješenje je konačno u upravnom postupku i protiv njega nije dozvoljena žalba, ali nezadovoljna stranka može pokrenuti upravni spor podnošenjem tužbe. Tužba se podnosi Kantonalnom sudu u Mostaru u roku od 30 dana od dana prijema ovog rješenja. Uz tužbu se prilaže i ovo rješenje u prepisu ili kopiji.

